

Колхозмудин кўцврмўд

Западн района „Пролетарская победа“ колхозин члед эн, 1957 джилиг кўдлмшин ик диилвртәгяр тōгсәджәнә.

Әмн кўн болгъна тоод мах, ўс, тос гаргъдж авлгъарн США ахр болзгин, эргцд кўцхмн гидж партин тәвсн тōриг кўцәлгънд темдгтә диилврмўд бәр-гдв. Эн джил, 1954 джилд ав-снла дўнъгцўлхлә, ўсн 3 холван даву, ноосн—2,5 холван, ъндгн—2 холван ъсв.

Колхозникуд 100 гектар газр болгънд селәнә эдл-ахун проду-кц икәр гаргъдж авхар зўт-кдж йовцхана. Эн джилин 10 сарин, эргцд 100 гектар газр болгънас 21 центнер махн, 71,6 центнер ўсн, 3, 17 цен-тнер ноосн авгдв.

Колхозин эдл-ахунь делгў ъсдж йовхиг дахдж колхозни-кўдин джиргълнь ясрдж йовна. Джилин эргцд 120 колхозникуд бийсдән бәәх шин гер тосхдж

авцхав, эдн дунд 40 ърк-бўлнь хальмг улс. 30-гар колхоз-никуд мотоцикл хулдж авб. Колхозникуд дунд 20-гар кўн орденәр болн медаләр ачлгдсн бәәнә—бригадир ўр Астанин, колхозницс ўўрмўд Е. Безусо-ва, П. Волибок, О. Аленикова, нань чигн.

Колхозин эдл-ахунь ирх бо-лн цаарандк джилмўдт улм хурдар ъсх ъргн хаалгъ ода секгдджәнә. Тегәд колхозни-куд 1960 джилд 100 гектар га-зр болгънас 65 центнер мах, 175 центнер ўс, 4,8 центнер ноос, буудә тәрдг 100 гектар газр болгънас 17 минъгън ъндг гар-гъдж авх болдж темдгль. Энўг кўцхин кергт ўкр бол-гънас 2500 литр ўс саадж, хѡн болгънас 5-д килограмм ноос киргъдж, ъндглдг така болгъ-нас 130 ъндг авхиг кўцх болц-хав.